


www.BibleForChildren.org



Juan 14



Wasinoy, sinapikkappayi Jesus sino adalannera si,
"Ammekayu maddararan, nu ammeyu lud
pattuyaggannino angnguruddaw ki Dios e
pattuyaggandokappayino angnguruddaw sikwak.
Se odduwa pagyananna tolai sino balayi Ama sey
langit, e mauntaka
umang sinay ta
midadanak si
pagyanandaw.



Ammek sapitan yaw nu bakkanna gakkurug.
E nu nedadaninnino pagyanandaw, muliyak kappena a
mappa sikwayu takesi makiigyangkayu pay sikwak.



Ikkanaki Juan a kola'daw, bulundawa miyattam
sino padyatantam gafu sino angnguruddam ki
Jesus, bulundokappaya mesapat sino

patturayanna. Ino nakwa sikwak,
nepeyandakino ammera




mangurug sito
lubbunna Patmos
sito tangngana
bebay.



Antuweno inangwara sikwak, gafu se nangibabanyak sino sapiti Dios annino kakuruwana nepakaammuwi Jesus.




Kaka'meng kelanga netullurakino Espirituwi Dios sey langit. E naitakino tronowa aneno nattuttud sinay.




E diningngaggu kappayino kanteno amminira a ana sey
langit andino anera sito lubag, ino anera sey bebay
andino anera sino agyananna natay.


Ammina pinaratuwi Dios,
makkakantera a sapitanda si,
"Ino aggatuttud sino trono annino
Karnero, awana kakunnenano
kinalawad anna
kinatuyadda,
antu gafuna,
ireno medayaw
si makkikiyad."



E initak kappayino lubbuni Dios a maddassa
naggabwat sey langit. Antuweno bawuwa Jerusalem.
Nalawaringke ino lubbun a kakunnaneno bafaya
nabbarawasi si nalawara naddadana umang dumambal
sino mangatawa sikwana.




E diningngagguweno dokalla damita naggabwat sino tronowa nassapit si, "Sitoya, makilubbuni Dios sino tolayira. Magyan sikwara se ireno tolenera. Kanayuna mebumbulun sikwara se antu pelangino Dios a dayawanda."



Wasinoy, nepaita kappayino anghel sikwakino
wawwanga manga'da si biyag. Namamannangingke ino
danumma, e naggabwat sino tronowi Dios annino
Karnero.



Awana awannenaya lubbun si baggona sinag anna dakkag, se nawaldan sino kinalawari Dios annino Karnero.



Udde awaningke
makatallung sino
ibilangi Dios si
narakkatta kunnangke
ino massisiriya
andino mangwa si
ka'atatal. Se ino
pelang makatallung
sinay, ira a
neturakkino anganda
sino leburuweno
Karnero a antuweno
nelistanino amminira a
mabiyag si makkikiyad.




“Funatanna amminino
kalaluwarera. E awaninna
matay, awaninna mattangit,
awaninna aggalow si nakam,
anna awaninna matakit, se
ammin inaya nakwa sino dadana
lubag, naawaniran ammin.”




E awana masumpalan sinaya lubbun si massiki sanna a ibilangi Dios si narakkat. Antuwenayino lubbuna agyanani Dios annino Karnero a matturay, e amminino masserbiyera ki Dios, maddayawira sikwana.


Aggitandaneno mutungi Dios, e metura'ngeno anganna sino kirerera.




E inihak kappayino ammina natayira a ina'lang sino
aggatuttud. Massiki ino ba'nang anna pobiri, anera
ammin sinay. Amminino natayira a nagan sey Hades
a agyananino natayira, annino natayira sino bebay,
nepalawannera ammin. Waso
aggata'daggira sino a'langino
aggatuttud, nabukkatanino
leburuwera a
neturakkan
amminino
inangweno
tolayira.



Nabukkatangkappayino leburuwa nelistanino
nganganino mabiyayira si makkikiyad. Kase maukumino
kadda tata sikwara a mepangngat sino inangwara a
neturak sino leburuwera. E amminino tolayira a
awanino anganda sino leburuwa
nelistanino mabiyayira si makkikiyad,
metakkufirana sinaya afuy.



"Gumamwangkan," kunnino Espirituwi Dios annino meamparig si atawanino Karnero. "On, gumamwangkan," kunnaddino maddingngaggira sitaw. Ammingkayuwa mauwaw, gumamwangkayu nad, nu anggandawa inumannino danuma awana pagana a manga'da si biyaya mannayun.



Gafu se nappelalotino agganggamm
Dios sino tolayira sito lubag,
dinundunnenno tatatata ke a Abbingnga
a matay, takesi ammina mangurug
sikwana, ammera makastigu,
nu ammera lud maa'dan
si biyaya
mannayun.



Roma 3:23 Se awana tolay si ammena nalliwat, e aroyuwengkeno kinalawari Dios sino kinalawadda.

Roma 6:23 Se ino liwat, tandananneno aripannera, e ino tandanda, ino katayana awana pakkiyaranna. Udde i Dios, rigalu pelangino iya' dana, e antuweno biyaya mannayun gafu sino kesapatantam ki Kristo Jesus a Afutam.

Hebreo 9:27 Amminetama tolay, maawag si mamittetangke a matay, kaseretam ukumanni Dios.

Efeso 2:8,9 Se ino allakki Dios ino gafuna a nesalakanetam gafu sino nanguruwantam ki Kristo. Bakkanna gafu sino inangwatam, nu ammena lud naggabwat ki Dios. Kunnantu, ammetam dama a massangeleta massapit si ino kesalakantam, gafu sino nalawara aggangwatam.



Roma 10:9,10 Se nu sapitannu si i Jesusino gakkuruwa Afu anna nu kuruwannungke si nepangngangoliyi Dios sino natayanna, antuweno kesalakannu. Se nu manguruwetam ki Kristo e ipakaammutamino kinuruddam si korwana tolay, ibilandetami Dios si naggaddang e mesalakanetam.

Juan 3:16,17 Gafu se nappelalotino agganggammi Dios sino tolayira sito lubag, dinundunnenno tatatata ke a Abbingnga a matay, takesi ammina mangurug sikwana, ammera makastigu, nu ammera lud maa' dan si biyaya mannayun. Se amme dinunduni Diosino Abbingnga sito lubag ta kastigunnenno tolayira, nu ammena lud ta isala' ngera.



1 Juan 5:11-13 Antuyawino sinapi ' na: na ' dandetam si
biyaya mannayun, e ino Abbinggeno paggabwatanna.
Kunnantu, ino tolaya nesapat sino Abbingi Dios, ana
sikwaneno biyaya mannayun, udde ino ammena nesapat
sino Abbingnga, ammena naa ' dan sinaya biyag.
Neturakkuwera yaw sikwayuwa mangurug sino Abbingi
Dios kesi ammundawingke si wara sikwayuweno
biyaya mannayun.



Juan 14; 2 Corinto 5; Nepakaammu 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ga'dang Bible (gdg) © Wycliffe Bible Translators, Inc.
All rights reserved

<https://www.bible.com/bible/1436/MAT.1>

©2024 Bible for Children, Inc.

www.M1914.org

www.bibleforchildren.org

